



**Broj: X-K/08/572 - 5**

**Sarajevo, 12.11.2009. godine**

## **U I M E B O S N E I H E R C E G O V I N E**

Sud Bosne i Hercegovine, u vijeću sastavljenom od sudije Ljubomira Kitića kao predsjednika vijeća, te sudija Šabana Maksumića i Nenada Šelede kao članova vijeća, uz sudjelovanje pravnog saradnika Lane Ferović kao zapisničara, u krivičnom predmetu protiv optuženog Ramić Sabre, zbog krivičnog djela Organizirani kriminal iz člana 250. stav 2. Krivičnog zakona Bosne i Hercegovine (KZ BiH), u vezi sa krivičnim djelom Neovlašten promet opojnim drogama iz člana 195. stav 1. KZ BiH, povodom optužnice Tužilaštva Bosne i Hercegovine – Posebni odjel za organizovani kriminal, privredni kriminal i korupciju, broj: KT-339/08 od 20.02.2009. godine, nakon održanog glavnog, usmenog i javnog pretresa povodom izjave o priznanju krivnje, u prisustvu tužioca Tužilaštva BiH Diane Kajmaković, optuženog Ramić Sabre i njegovog branioca, advokata Azijade Mujkić, donio je dana 10.11.2009. godine, a javno objavio dana 12.11.2009. godine sljedeću:

### **P R E S U D U**

**Optuženi: RAMIĆ SABRO**, sin Dede i majke Habibe, rođ. Ibrahimović, rođen 24.03.1965. godine u mjestu Kamberovići, Zenica, nastanjen u Zenici, ul. Gundulića br. 1, a po CIPS-u Kamberovića čikma br. 7, Bošnjak, državljanin BiH, JMBG 2403965190036, sa završenom srednjom stručnom spremom, otac troje djece, osuđivan Presudom Općinskog suda Osijek od 27.05.1983. godine i Okružnog suda Osijek od 15.08.1983. godine za krivično djelo iz člana 131. stav 1. KZSRH osuđen na kaznu zatvora u trajanju od deset mjeseci, Presudom Općinskog suda Zenica od 27.06.1986. godine za krivično djelo iz člana 148. stav 1. KZ SRBiH osuđen na kaznu zatvora u trajanju od pet mjeseci, Presudom Osnovnog suda u Zenici od 07.01.1987. godine za krivično djelo iz člana 165. stav 2. KZ SRBiH osuđen na novčanu kaznu u iznosu od 20.000,00 dinara, Presudom Osnovnog suda u Zenici od 25.10.1995. godine za krivično djelo iz člana 172. stav 1. KZ RBiH osuđen na kaznu zatvora u trajanju od šest mjeseci uslovno na dvije godine, Presudom Kantonalog suda Zenica od 26.11.1997. godine za krivično djelo iz člana 42. stav 1. KZ RBiH osuđen na kaznu zatvora u trajanju od dvije godine i deset mjeseci zatvora, Presudom Općinskog suda Zenica od 18.12.2001. godine za krivično djelo iz člana 339. stav 2. u vezi sa članom 23. KZ FBiH osuđen na kaznu zatvora u trajanju od šest mjeseci uslovno na tri godine, Presudom Kantonalnog suda Zenica od 26.09.2000. godine za krivično djelo iz člana 339. stav 1. KZ FBiH osuđen na kaznu zatvora u trajanju od tri mjeseca, Presudom Općinskog suda u

Zenici od 18.12.2002. godine za krivično djelo iz člana 190. stav 1. KZ FBiH osuđen na kaznu zatovra u trajanju od tri mjeseca uslovno na godinu dana, **nalazio se u pritvoru po rješenju Suda BiH broj: X-KRN-08/572 od 28.08.2008. do 09.01.2009. godine, kada mu je izrečena mjera zabrane shodno članu 123. stav 1. i 2. u vezi sa članom 126, 126-a i 126-b ZKP-a BiH.**

## KRIV JE

### Što je:

Početakom 2008. godine Ilić Željko, za vrijeme dok se nalazio u bjekstvu, zbog počinjenog krivičnog djela neovlaštena proizvodnja i promet opojnih droga iz člana 224. Krivičnog zakona RS, organizovao i rukovodio zločinačkom organizacijom u smislu člana 1. stav 19. Krivičnog zakona Bosne i Hercegovine (KZ BiH), koja je djelovala sve do kraja mjeseca avgusta 2008. godine, i koja je organizovana radi neovlaštene međunarodne kupoprodaje, prijenosa, prevoza, držanja, posredovanja u daljnjoj međunarodnoj prodaji, slanja i isporuke opojne droge marihuana – skank, koja je Konvencijom o psihotropnim supstancama od 1971. godine i Rješenjem o popisu opojnih droga ("Službeni list R BiH" br. 2/92 i 13/94), proglašena opojnom drogom i čiji se promet može obavljati samo na temelju dozvole nadležnog organa sukladno Zakonu o proizvodnji i prometu opojnih droga ("Službeni list R BiH" br. 2/92 i 13/94) i čiji je promet zabranjen odredbama Zakona o sprječavanju i suzbijanju zloupotrebe opojnih droga („Službeni glasnik BiH“ broj 8/06), i to sa područja Republike Crne Gore na područje Bosne i Hercegovine s ciljem daljnje prodaje na području Bosne i Hercegovine i daljeg prebacivanja, posredovanja i prodaje na područje Republike Hrvatske, a kojoj zločinačkoj organizaciji su pristupili Jurković Zdravko zvan „Ganfo“, Ramić Sabro i više njemu poznatih izvjesnih osoba sa područja Bosne i Hercegovine zajedno sa Krstović Igorom iz Crne Gore, pa je tako organizovana zločinačka organizacija vršila naprijed pobrojane radnje neovlaštenog međunarodnog prometa opojnim drogama u periodu od mjeseca februara 2008. godine pa sve do kraja mjeseca avgusta 2008. godine, tako što su Ilić Željko, u direktnom dogovoru sa Krstović Igorom iz Crne Gore, počev od februara 2008. godine, kontinuirano prebacivali prethodno ugovorene količine i vrstu opojne droge marihuana – skank, dogovorenog kvaliteta i cijene, koju je Ilić Željko naručivao od Krstović Igora, nakon čega bi Krstović Igor organizovao njima poznata NN lica radi pakovanja i prebacivanja preko granice iz Republike Crne Gore u Bosnu i Hercegovinu, a Ilić Željko dalje organizovao preuzimanje i distribuciju iste, kako na području Bosne i Hercegovine tako i dalje na područje Republike Hrvatske, na način da je dio droge isporučivan Ramić Sabri i njemu poznatoj osobi u Zenicu, i to po prethodnom dogovoru sa Ilić Željkom, a koju drogu su dostavljale izvjesne poznate osobe same ili u društvu sa Ilić Željkom u više navrata, uglavnom koristeći kao prevozno sredstvo PMV marke Golf 1, crvene boje, godina proizvodnje 1982. registarskih oznaka 311-T-568, kao i PMV

marke Golf 1, crvene boje, godina proizvodnje 1982. registarskih oznaka 690-J-314, i to skriveno u tapacirungu vrata i ispod blatobrana s obje strane vozila, pa je tako u pomenutom periodu isporučeno najmanje 28 kg opojne droge marihuana, različitog kvaliteta, po cijeni od 750,00 do 1.250,00 Eura po jednom kg, za koju je ukupno plaćeno najmanje 28.000,00 Eura, koja opojna droga je istovarana u dvorištu kuće na adresi Ivana Gundulića broj 1 u Zenici, kojom prilikom bi izvjesna osoba pakete sa upakovanom opojnom drogom direktno ubacivala u predmetnu kuću, kroz prozor kuće, i koju bi potom svi zajedno vagali u predmetnoj kući, nakon čega bi vršili plaćanje isporuke, da bi dana 26.08.2008. godine, prilikom pretresa objekata koje koriste Ramić Sabro i njemu poznata osoba i to u kući u ulici Ivana Gundulića broj 1 u Zenici i u kući u ulici Masarikova broj 43 u Zenici, bilo pronađeno i privremeno oduzeto 8 kg i 948 g bruto mase opojne droge marihuana – skank (*Cannabis sativa L.*),

**Dakle,**

postao pripadnik zločinačke organizacije u smislu člana 1. stav 19. Krivičnog zakona Bosne i Hercegovine te radi dalje prodaje posredovao u međunarodnoj kupovini i držao opojnu drogu marihuana – skank.

**Čime je počinio:**

**Krivično djelo Organizirani kriminal iz člana 250. stav 2. Krivičnog zakona Bosne i Hercegovine u vezi sa krivičnim djelom Neovlašteni promet opojnim drogama iz člana 195. stav 1. KZ BiH.**

Pa ga Sud na osnovu gore navedenih članova, te uz primjenu članova 39, 42. stav 1, 49. tačka b) i 50. stav 1. tačka b) KZ BiH

**OSUĐUJE**

**NA KAZNU ZATVORA U TRAJANJU OD 4 (ČETIRI) GODINE**

Na osnovu člana 56. KZ BiH u izrečenu zatvorsku kaznu optuženom Ramić Sabri uračunava se vrijeme koje je proveo u pritvoru od 26.08.2008. godine, pa do 09.01.2009. godine.

Na osnovu člana 188. stav 1. Zakona o krivičnom postupku BiH, optuženi se obavezuje naknaditi troškove krivičnog postupka u paušalnom iznosu od 200,00 KM.

**O b r a z l o ž e n j e**

Tužilaštvo Bosne i Hercegovine je optužnicom broj: KT-339/08 od 20.02.2009. godine, potvrđenom dana 23.02.2009. godine, optužilo Ramić Sabru za Organizirani kriminal iz člana 250. stav 2. Krivičnog zakona Bosne i Hercegovine (KZ BiH), u vezi sa krivičnim djelom Neovlašten promet opojnim drogama iz člana 195. stav 1. KZ BiH

Na glavnom pretresu, dana 15.10.2009. godine, optuženi Ramić Sabro u prisustvu svog branioca, advokata Azijade Mujkić, priznao je krivnju, a na ročištu za razmatranje izjave o priznanju krivnje dana 09.11.2009. godine utvrđeno da je ista data u skladu sa članom 230. ZKP-a BiH. Naime, optuženi je priznao krivnju za počinjeno krivično djelo Organizirani kriminal iz člana 250. stav 2. KZ BiH u vezi sa krivičnim djelom Neovlašten promet opojnim drogama iz člana 195. stav 1. KZ BiH, a koja djela mu se predmetnom optužnicom stavljaju na teret.

Tom prilikom Sud je utvrdio da je optuženi izjavu o priznanju krivnje dao dobrovoljno, svjesno i sa razumijevanjem, a nakon što je upoznat sa mogućim posljedicama, uključujući i posljedice vezane za moguće imovinsko pravne zahtjeve i oduzimanje imovinske koristi pribavljene krivičnim djelom, te mogućnošću naknade troškova krivičnog postupka. Takođe, Sud je utvrdio da postoji dovoljno dokaza o krivnji optuženog a o kojima će se nešto više reći naknadno, kao i da je optuženi razumio da se na ovaj način odriče prava na suđenje.

Tokom pretresa za izricanje krivičnopravne sankcije, održanog dana 09.11.2009. godine, tužiteljica Tužilaštva BiH istakla je, kao otežavajuće okolnosti na strani optuženog, njegovu raniju osuđivanost i izuzetnu upornost u vršenju krivičnog djela što se vidi iz presretnutih telefonskih razgovora, međutim takođe je naglasila da optuženi nije osuđivan za ista ili istovrsna krivična djela ranije, te da postoji prekid od 6 godina od posljednje osude pa stoga smatra da se tome ne bi trebao pridavati preveliki značaj. Od olakšavajućih okolnosti tužiteljica je navela iskrenost optuženog i njegovo priznanje djela, te tešku ekonomsku i porodičnu situaciju. Konačno, Tužilaštvo je tražilo da se optuženi obaveže naknaditi paušalne troškove postupka, budući da drugih troškova Tužilaštvo nije imalo.

Braniteljica optuženog, advokat Azijada Mujkić takođe je istakla tešku ekonomsku situaciju optuženog odnosno činjenicu da optuženi živi sa suprugom koja je nezaposlena i dvoje maloljetne djece, kao i sa punoljetnom kćerkom iz prvog braka i njenim djetetom, te da se svi izdržavaju od njegove penzije od 300 KM. Nadalje, navodi da bi Sud trebao cijeniti starost optuženog, te činjenicu da je i pritvor od četiri i pol mjeseca vaspitno-popravno djelovao na optuženog, tražeći da mu se izrekne što blaža kazna.

Na kraju, optuženi se pridružio navodima braniteljice, izrazio duboko kajanje za počinjeno djelo, te istakao kako je jedini razlog za počinjenje navedenog djela njegova loša ekonomska situacija odnosno da mu je bilo potrebno 20,000 KM da „uđe u posao pečenja rakije kod punca, a da drugačije nije mogao doći do novca“.

Nakon vijećanja i glasanja, Sud je izjavu o priznanju krivnje u cijelosti prihvatio, nalazeći da su ispunjeni svi uslovi iz člana 230. stav 1. ZKP BiH.

Sud je izvršio ocjenu dokaza koji su od strane Tužilaštva BiH dostavljeni uz optužnicu, i to: CD sa svim materijalnim dokazima u predmetu KT – 339/08: *Zapisnik o ispitivanju osumnjičenog Ilić Željka broj KT-339/08 od 27.8.2008. godine; Zapisnik o ispitivanju osumnjičenog Ilić Željka broj KT-339/08 od 16.12.2008. godine; Sporazum o priznanju krivnje Ilić Željka sa Specijalnim tužilaštvom RS, broj KT-ST-18/07 od 27.6.2008. godine, Presuda Okružnog suda u Banja Luci broj 011-0-K-08-000-006-p od 8.7.2008. godine i Rješenje Okružnog suda u banja Luci 011-0-K-08-000-006-p od 8.7.2008. godine; Zapisnik o ispitivanju osumnjičenog Glušac Nikola broj KT-339/08 od 27.8.2008. godine; Zapisnik o ispitivanju osumnjičenog Glušac Nikole broj KT-339/08 od 18.12.2008. godine; Zapisnik o ispitivanju osumnjičenog Jurković Zdravka broj KT-339/08 od 26.8.2008. godine; Zapisnik o ispitivanju osumnjičenog Jurković Zdravka broj KT-339/08 od 23.9.2008. godine; Zapisnik o ispitivanju osumnjičene Kogoj Andree broj KT-339/08 od 26.8.2008. godine; Zapisnik o ispitivanju osumnjičene Kogoj Andree broj KT-339/08 od 16.9.2008. godine; Zapisnik o ispitivanju osumnjičenog Čulum Marice broj KT-339/08 od 27.8.2008. godine; Zapisnik o ispitivanju osumnjičenog Ramić Sabre broj KT-339/08 od 27.8.2008. godine; Zapisnik o ispitivanju osumnjičenog Samardžić Borisa broj KT-339/08 od 27.8.2008. godine; Zapisnik o ispitivanju osumnjičenog Samardžić Borisa broj KT-339/08 od 15.9.2008. godine; Zapisnik o ispitivanju osumnjičenog Bjeletić Ilije broj KT-339/08 od 27.8.2008. godine; Presuda Osnovnog suda u Banja Luci broj K 1727608 K od 11.6.2008. godine kojom je Bjeletić Ilija oglašen krivim za krivično djelo neovlaštena proizvodnja i promet opojnih droga iz člana 224. Stav 1. Krivičnog zakona RS; Zapisnik o ispitivanju osumnjičenog Prce Ante broj KT-339/08 od 26.8.2008. godine; Izvod iz kaznene evidencije za Ilić Željka i Glušac Nikolu broj 12-7/01-234.1-1-102/08 od 5.9.2008. godine; Izvod iz kaznene evidencije za Čulum Maricu broj 08-2/6-234-1166/08 od 13.10.2008. godine; Izvod iz kaznene evidencije za Jurković Zdravka i Prce Antu broj 02-02/6-4-04-2066/08 od 9.9.2008. godine; Izvod iz kaznene evidencije za Samardžić Borisa broj 12-7/01-SI/08 od 26.8.2008. godine; Izvod iz kaznene evidencije za Bjeletić Iliju broj 12-02/5-235-4/194 od 5.9.2008. godine; Izvod iz kaznene evidencije za Ramić Sabru i Kogoj Andreu broj 08-03/7-4-04-12-1-850/08 od 8.9.2008. godine; Zapisnik o saslušanju svjedoka Glušac Radivoja broj KT-339/08 od 27.8.2008. godine; Zapisnik o saslušanju svjedoka Glušac Radivoja broj KT-339/08 od 8.10.2008. godine; Zapisnik o saslušanju svjedoka Skočajić Borisa broj KT-339/08 od 8.10.2008. godine; Zapisnik o saslušanju svjedoka Dabić Bojan broj KT-339/08 od 16.12.2008. godine; Zapisnik o saslušanju svjedoka Tubić Srđana broj KT-339/08 od 2.2.2008. godine; Naredba za vještačenje broj KT-339/08 od 2.9.2008. godine i Nalaz i mišljenje vještačenja NN materije, Centra za forenziku i potporu Federalne uprave policije broj 09-14/1-1-04-5-5234 od 10.9.2008. godine; Naredba za vještačenje broj KT-339/08 od 9.2.2009. godine i Nalaz i mišljenje vještačenja biljne materije, Centra za forenziku i potporu Federalne uprave policije broj 09-*

14/1-1-04-5-730 od 11.2.2009. godine; Naredba za grafološko vještačenje broj KT-339/08 od 16.12.2008. godine i Nalaz i mišljenje sudskog vještaka za oblast vještačenja dokumenata, novčanica, rukopisa i potpisa Ljubomira Gogića od 24.12.2008. godine, Rješenje o naknadi troškova u iznosu od 3178,50 KM Stalnom sudskom vještaku Gogić Ljubomiru br.KT-339/08 od 02.02.2009. godine; Zahtjev za vještačenje tragova biljne materije MUP-a RS, CJB Trebinje broj 12-02/7-233-49/08 od 1.8.2008. godine i Nalaz Kriminalističko – tehničkog centra MUP-a RS broj 02/8-1-233-1843/08 od 12.8.2008. godine; Naredba Suda Bosne i Hercegovine X-KRN-08/572 od 15.9.2008. godine za pretresanje uređaja za automatsku obradu podataka – mobitela, kompjutera, disketa, Rješenje o naknadi troškova u iznosu od 2888 KM sudskom vještaku br.KT-339/08 od 06.09.2008. godine i Nalaz pretresanja sadržaja telefonskih aparata, SIM kartica, perosonalni računara i memorijskih medija MUP-a RS, Uprava kriminalističke policije, Trninić Željko, od 30.9.2008. godine; Naredba za analitičko vještačenje nadziranih telefonskih brojeva broj KT-339/08 od 26.11.2008. godine i Tehničko pojašnjenje pribavljenih podataka MUP-a RS, Uprava krim policije broj 02/9-205/08 od 17.12.2008. godine; Naredba za analitičko vještačenje nadziranih telefonskih brojeva broj KT-339/08 od 6.1.2009. godine, Izvještaj o analizi MUP-a RS, Odjeljenje za krim obavještajne analize, broj 02/6-INT-101/09 od 3.2.2009. godine Miodraga Delića; Naredba Suda Bosne i Hercegovine broj X-KRN-08/572 od 15.1.2008. godine i Izvještaj o izvršenim pregledima i analizama dostavljenog sadržaja procesorske jedinice i ručnih radio stanica Odsjeka za informatiku FUP-a od 22.1.2009. godine i Odsjeka za komunikacije u Operativno komunikacijskom centru FUP-a broj 16/02 od 16.1.2009. godine i Izvještaj Babić Samira, FMUP, Federalna uprava policije, Centar za forenziku i podršku, Odjeljenje za KDZ i TZ, dostavljeno uz akt FUP-a broj: 14/4-4 od 16.02.2009. godine sa pripadajućim mobilnim telefonskim aparatima; Naredba – posebne istražne radnje - Okružnog suda u Trebinju broj 015-0-Kpp-08-000002 od 2.4.2008. godine sa pratećim prijedlogom Okružnog tužilaštva u Trebinju broj Kta-47-4/08 od 31.3.2008. godine; Naredba – posebne istražne radnje - Okružnog suda u Trebinju broj 015-0-Kpp-08-000012 od 9.4.2008. godine sa pratećim prijedlogom Okružnog tužilaštva u Trebinju broj Kta-199/08 od 9.4.2008. godine; Naredba – posebne istražne radnje - Okružnog suda u Trebinju broj 015-0-Kpp-08-000012 od 11.4.2008. godine sa pratećim prijedlogom Okružnog tužilaštva u Trebinju broj Kta-199-1/08 od 10.4.2008. godine; Naredba – posebne istražne radnje - Okružnog suda u Trebinju broj 015-0-Kpp-08-000002 od 11.4.2008. godine sa pratećim prijedlogom Okružnog tužilaštva u Trebinju broj Kta-47-6/08 od 10.4.2008. godine; Naredba – posebne istražne radnje - Okružnog suda u Trebinju broj 015-0-Kpp-08-000016 od 22.4.2008. godine sa pratećim prijedlogom Okružnog tužilaštva u Trebinju broj Kta-209/08 od 18.4.2008. godine; Naredba – posebne istražne radnje - Okružnog suda u Trebinju broj 015-0-Kpp-08-000012 od 21.4.2008. godine sa pratećim prijedlogom Okružnog tužilaštva u Trebinju broj Kta-199-2/08 od 18.4.2008. godine; Naredba – posebne istražne radnje - Okružnog suda u Trebinju broj 015-0-Kpp-08-000002 od 8.5.2008. godine sa pratećim prijedlogom Okružnog tužilaštva u Trebinju broj Kta-47-9/08 od 7.5.2008. godine; Naredba – posebne istražne radnje - Okružnog suda u Trebinju

broj 015-0-Kpp-08-000016 od 7.5.2008. godine sa pratećim prijedlogom Okružnog tužilaštva u Trebinju broj Kta-209-1/08 od 7.5.2008. godine; Naredba – posebne istražne radnje - Okružnog suda u Trebinju broj 015-0-Kpp-08-000012 od 8.5.2008. godine sa pratećim prijedlogom Okružnog tužilaštva u Trebinju broj Kta-199-3/08 od 7.5.2008. godine; Naredba – posebne istražne radnje - Okružnog suda u Trebinju broj 015-0-Kpp-08-000016 od 21.5.2008. godine sa pratećim prijedlogom Okružnog tužilaštva u Trebinju broj Kta-209-4/08 od 20.5.2008. godine; Naredba – posebne istražne radnje - Okružnog suda u Trebinju broj 015-0-Kpp-08-000016 od 26.5.2008. godine sa pratećim prijedlogom Okružnog tužilaštva u Trebinju broj Kta-209-5/08 od 23.5.2008. godine; Naredba – posebne istražne radnje - Okružnog suda u Trebinju broj 015-0-Kpp-08-000012 od 4.6.2008. godine sa pratećim prijedlogom Okružnog tužilaštva u Trebinju broj Kta-199-6/08 od 4.6.2008. godine; Dopis Okružnog tužilaštva u Trebinju broj Kt-366/08 od 13.8.2008. godine o ustupanju predmeta na nadležni postupak; Izvještaj o počinjenom krivičnom djelu MUP-a RS, CJB Trebinje broj KU-257/08 od 13.8.2008. godine; Dopuna izvještaja o počinjenom krivičnom djelu MUP-a RS, CJB Trebinje broj KU-257/08 od 26.8.2008. godine; Dopuna obrazloženja izvještaja o počinjenom krivičnom djelu MUP-a RS, CJB Trebinje broj KU-257/08 od 27.10.2008. godine; Dopuna obrazloženja izvještaja o počinjenom krivičnom djelu MUP-a RS, CJB Trebinje broj KU-257/08 od 12.11.2008. godine; Akt MUP-a RS, CJB Trebinje broj: 12-02/4-230-562/08 od 03.12.2008. godine sa 116 transkripata snimljenih razgovora nadziranih telefonskih brojeva popisanih u aktu od rednog broja 1 zaključno sa rednim brojem 116; Akt MUP-a RS, CJB Trebinje br: 12-02/4-230-68/09 od 17.02.2009. godine sa dva CD-a kako je navedeno u aktu; Naredba za pretresanje stambenih, poslovnih i drugih objekata, motornih vozila i pokretnih stvari, MUP RS, CJB Trebinje, broj: 12-02/4-230-420/08 od 23.08.2008. godine, po odobrenju Tužioca Tužilaštva BiH a na osnovu usmene naredbe Sudije za prethodni postupak Suda BiH; Naredba Suda BiH za pretresanje pokretnih stvari i privremeno oduzimanje predmeta broj. X-KRN-08/572 od 16.09.2008. godine; Dopis Okružnog tužilaštva u Trebinju broj: Kta:246-1/08 od 04.12.2008. godine sa svim prilogima (**pretres iz maja mjeseca 2008. godine – Prce, Jurković, Čoko**) navedenim u dopisu, uz Potvrdu o privremenom oduzimanju predmeta FUP Sarajevo, Sektor kriminalističke policije broj: 13/4-Sl od 16.05.2008. godine i Potvrda o privremenom oduzimanju predmeta br: 13/4-sl.-1 od 16.05.2008. godine FUP, Sektor kriminalističke policije, sa oduzetim predmetima od Jurković Zdravka;

- Jedna Sim kartica ser.br. 03000624202316 Eroneta,
- Jedan mobilni telefon crno-sive boje marke „Nokia 7360“ sa pripadajućom SIM karticom ser. br. 356441011916174,
- Jedan mobilni telefon crno sive boje marke „Nokia“ ser.br. 35805612693594 sa pripadajućom SIM karticom,
- Jedan mobilni telefon marke „Nokia“ ser.br. 356990016273189 sa pripadajućom SIM karticom,
- Jedan mobilni telefon crno-sive boje marke „Nokia“ ser.br. 359774002124037 sa pripadajućom SIM karticom,

- Četiri SIM kartice serijskog broja 89385022001004115854, 8938703000623336396, 8938703010010106203, 99340747347300,
- Jedan SIMPA korisnički paket – kartica sa korisničkim brojem 0996809571,
- Dio omota Hej paketa sa korisničkim brojem 38763708639,
- Jedan Start paket Tele 2 korisničkog broja 385958268853 bez sim kartice,
- Četiri radio komunikacijska uređaja marke „TOPCOM“,

*Potvrda o privremenom oduzimanju predmeta br: 13/4-sl1 od 16.05.2008. godine,*

*Potvrda o privremenom oduzimanju predmeta br.13/4-sl-3 od 16.05.2008. godine FUP, Sektor kriminalističke policije sa oduzetim predmetima od Čoko Mileta:*

- Jedan mobilni aparat marke „Samsung“ crno-sive boje sa pripadajućom SIM karticom korisničkog broja 063/359-190 bez PIN-a,
- Jedan mobilni aparat marke „Samsung“ sivo-plave boje sa pripadajućom SIM karticom korisničkog broja 063/359-015 sa PIN codom 0000,
- Jedan mobilni aparat marke „Samsung“ crne boje sa pripadajućom SIM karticom korisničkog broja 063/362-660 sa PIN codom 0000,
- Jedan mobilni aparat marke „Samsung“ roza boje sa pripadajućom SIM karticom korisničkog broja 063/438-621,
- Crni podmetač za automobil na kojem se nalaze tragovi suhe zeljaste materije koja svojim izgledom asocira na opojnu drogu Cannabis Sativa L pronađena u garaži.

*Potvrda o privremenom oduzimanju predmeta br. 13/4-sl/08 od 16.05.2008. godine,*

*Potvrda o privremenom oduzimanju predmeta br. 13/4-sl2/08 od 16.05.2008. godine, te Potvrda o privremenom oduzimanju predmeta br. 13/4-sl3/08 od 16.05.2008. godine, FUP, Sektor kriminalističke policije sa oduzetim predmetima od Prce Ante;*

- Mobitel marke „Samsung“ crne boje, telefonskog broja 063/404-204 vlasništvo Ante Prce,
- Mobitel marke „Nokia“ bijelo crvene boje, telefonskog broja 061/499- 736, vlasništvo Kristine Prce,
- Ultra Start paket BH mobile sa korisničkim brojem 387 62 455 844,
- Hej SIM kartica serijskog broja 89387030006233185507, VIP SIM karticu ser br. 8938591105090697058 (super SIM), uputstvo za upotrebu SIM kartice i plastična providna kutija sa naljepnicom na kojoj piše MSISDN 38763784575, ICC8938703000621915753,
- Mobilni telefon marke „Nokia“ crno-bijele boje sa SIM karticom ser.br. 8938703010011546381 pronađen u PMV marke Bora reg.oznaka 569-J-894 plave boje,
- Žuta kesa u kojoj se nalaze tri selotejp trake, skalpel, svjetloplava kesa i žuta kesa u kojoj se nalaze ostaci zeljaste amterije koja asocira

- na opojnu drogu marihuna, plava kesa u kojoj se nalaze ostaci zeljaste materije koja asocira na opojnu drogu Cannabis,
- Plastika-spremište ispod sjedišta motora sive boje unutar koje se nalaze tragovi suhe zeljaste materije koji svojim izgledom asociraju na opojnu drogu Cannabis,
- Plava putna torba unutar koje se nalaze tragovi suhe zeljaste materije koji svojim izgledom asociraju na opojnu drogu Cannabis.

Izveštaj o izvršenom pretresu, MUP RS, CJB Trebinje, broj: 12-02/4-230-427/08 od 27.08.2008. godine; Izveštaj o izvršenom pretresu, MUP RS, CJB Banja Luka, broj: 08-02/4-334,335/08 od 26.08.2008. godine; Izveštaj o izvršenom pretresu, FUP, broj: 13/4-262/08 od 26.08.2008. godine; Izveštaj o izvršenom pretresu, FUP, broj: 13/4-265/08 od 26.08.2008. godine; Zapisnik o pretresanju stana i drugih prostorija MUP RS, CJB Trebinja broj 12-2/4-180/08 od 26.8.2008. godine; Potvrda o privremenom oduzimanju predmeta MUP RS, CJB Trebinje broj 12-02/4-136/08 od 26.8.2008. godine (Ilić Željko) sa oduzetim predmetima: - Mobilni telefon marke „Nokia“ model 1208 bez SIM kartice. Zapisnik o pretresanju stana i drugih prostorija MUP RS, CJB Trebinja broj 12-02/4-179/08 od 26.8.2008. godine; Potvrda o privremenom oduzimanju predmeta MUP RS, CJB Trebinje broj 12-02/4-135/08 od 26.8.2008. godine (Glušac Nikola) sa oduzetim predmetima: - Mobilni telefon marke „Nokia“ korisničkog broja sive crne boje 065/185-101; Zapisnik o pretresu putničkog motornog vozila MUP RS, CJB Trebinja broj 14-02/4-199/08 od 16.9.2008. godine; Dvije Potvrde o privremenom oduzimanju predmeta MUP RS, CJB Trebinje broj 14-02/4-60/08 od 16.9.2008. godine (Glušac Nikola); Zapisnik o pretresanju stana - drugih prostorija i putničkog motornog vozila MUP RS, CJB Banja Luka broj 08-02/4-334/08 od 26.8.2008. godine; Zapisnik o pretresanju stana i drugih prostorija – advokatske kancelarije broj 08-02/4-335/08 od 26.8.2008. godine; Potvrda o privremenom oduzimanju predmeta MUP RS, CJB Banja Luka broj 08-02/4-113/08 od 26.8.2008. godine (Čulum Marica) sa oduzetim predmetima: - Mobilni telefon marke „Samsung“ na preklop zlatno-smeđe boje sa pripadajućom SIM karticom broja 065/520-350; Zapisnik o pretresanju PMV, MUP RS, CJB Trebinja broj 14-02/4-200/08 od 16.9.2008. godine; Dvije Potvrde o privremenom oduzimanju predmeta MUP RS, CJB Trebinje broj 14-02/4-71/08 od 16.9.2008. godine (Samardžić Boris); Zapisnik o pretresanju stana i drugih prostorija MUP RS, CJB Trebinja broj 12-02/4-187/08 od 26.8.2008. godine; Potvrda o privremenom oduzimanju predmeta MUP RS, CJB Trebinje broj 12-02/4-133/08 od 26.8.2008. godine (Samardžić Boris) sa oduzetim predmetima: - Mobilni telefon marke „Nokia“ sa sim karticom 065/795-081, - Mobilni telefon marke „Nokia“ sa sim karticom 065/425-019; Zapisnik o pretresanju stana i drugih prostorija MUP RS, CJB Trebinja broj 12-02/4-188/08 od 26.8.2008. godine; Zapisnik o pretresanju stana i drugih prostorija MUP RS, CJB Trebinje broj 12-02/4-191/08 od 26.8.2008. godine; Potvrda o privremenom oduzimanju predmeta MUP RS, CJB Trebinje broj 12-02/4-132/08 od 26.8.2008. godine (Bjeletić Ilija) sa oduzetim predmetima: - SIM kartica broj: 033006222501818 GSM, - SIM kartica Monet GSM broj: 89381007800259015; Zapisnik o pretresanju pokretnih stvari i uređaja MUP HNK, Sektor kriminalističke

*policije Mostar br: SI/08 od 26.08.2008. godine; Zapisnik o pretresanju stana i drugih prostorija MUP HNK, Sektor kriminalističke policije Mostar broj SI/08 od 26.8.2008. godine; Potvrda o privremenom oduzimanju predmeta MUP HNK, Sektor kriminalističke policije Mostar, broj SI/08 od 26.8.2008. godine (Jurković Zdravko) sa oduzetim predmetima: - Mobilni telefonski aparat marke „Nokia“ crvene boje sa telefonskom karticom 063/350-251; Zapisnik o pretresanju pokretnih stvari i uređaja MUP IINK, Sektor kriminalističke policije Mostar broj 02-02/3-2-SI-1/08 od 26.8.2008. godine; Zapisnik o pretresanju stana i drugih prostorija MUP HNK, Sektor kriminalističke policije Mostar broj 02-02/3-2-SI/08 od 26.8.2008. godine; Zapisnik o pretresanju MUP HNK, PU Čapljina broj 02-02/6-2-04-SI-1/08 od 26.8.2008. godine; Potvrda o privremenom oduzimanju predmeta MUP HNK, Sektor kriminalističke policije Mostar broj 02-02/3-2-SI-1-1/08 od 26.8.2008. godine; Potvrda o privremenom oduzimanju predmeta MUP HNK, Sektor kriminalističke policije Mostar broj 02-02/3-2-SI-1/08 od 26.8.2008. godine (Prce Ante) sa oduzetim predmetima: - Mobilni aparat marke „Samsung“ crne boje model G600 sa telefonskom karticom broja 063/200-680; Zapisnik o pretresanju stana, drugih prostorija i pokretnih stvari FUP, Sektro kriminalističke policije broj 13/4-5/08 od 26.8.2008. godine; Zapisnik o pretresanju stana, drugih prostorija i pokretnih stvari FUP, Sektro kriminalističke policije broj 13/4-9/08 od 26.8.2008. godine; Potvrda o privremenom oduzimanju predemta FUP, Sektro kriminalističke policije broj 13/4-5A/08 od 26.8.2008. godine; Potvrda o privremenom oduzimanju predemta FUP, Sektro kriminalističke policije broj 13/4-5/08 od 26.8.2008. godine; Potvrda o privremenom oduzimanju predemta FUP, Sektro kriminalističke policije broj 13/4-5G/08 od 26.8.2008. godine; Potvrda o privremenom oduzimanju predemta FUP, Sektor kriminalističke policije broj 13/4-5H/08 od 26.8.2008. godine; Potvrda o privremenom oduzimanju predemta FUP, Sektro kriminalističke policije broj 13/4-5D/08 od 26.8.2008. godine; Potvrda o privremenom oduzimanju predemta FUP, Sektor kriminalističke policije broj 13/4-5F/08 od 26.8.2008. godine; Potvrda o privremenom oduzimanju predemta FUP, Sektro kriminalističke policije broj 13/4-5E/08 od 26.8.2008. godine; Potvrda o privremenom oduzimanju predemta FUP, Sektro kriminalističke policije broj 13/4-5C/08 od 26.8.2008. godine; Potvrda o privremenom oduzimanju predemta FUP, Sektro kriminalističke policije broj 13/4-9/08 od 26.8.2008. godine; Potvrda o privremenom oduzimanju predemta FUP, Sektro kriminalističke policije broj 13/4-9A/08 od 26.8.2008. godine (Ramić Sabro i Kogoj Andrea); Svi oduzeti predmeti navedeni u potvrdama od rednog broja 88. do rednog broja 97. prijedloga dokaza ove optužnice i to:*

- Mobilni aparat marke „Samsung“ ljubičastoplave boje sa pripadajućom SIM karticom,*
- Certifikat ultrastart paketa Eronet tel.broja 063/824-813,*
- Tri start paketa od kojih dva BH Telecoma ser.br. 8938762020125432012 i 8938762020121749674, jedan ultra certifikat za korisnički broj 38762543201, Start paket „Tele 2“ za telefon broja 0958863402,*
- Jedan mobitel marke „Motorola“,*

- *Jedan mobilni aparat „Ericsson“ ljubičasto sivo bijele boje bez SIM kartice,*
- *Mobilni aparat marke „Samsung“ crne boje tel. br. 061/104-979 bez SIM kartice,*
- *Mobilni aparat marke „Sony Ericsson“ sive boje sa ultra SIM karticom,*
- *Bežična mobilna stanica fiksnog telefona marke „Panasonic“,*
- *Jedan mobilni telefon marke „Samsung“ sa umetnutom GSM SIM karticom korisničkog broja 061/104-979,*
- *Rokovnik plave boje oblijepljen smeđom selotejp trakom,*
- *Kartonaska ambalaža sa oznakom LG u kojoj se nalaze tragovi zeljaste materije,*
- *Kućna vaga za mjerenje marke „Prima“,*
- *PVC kutija sa sadržajem NN zeljaste materije,*
- *Dvije digitalne vage jedna bijele, druga sive boje,*
- *Više PVC kesa sa natpisom „Konzum“ sa tragovima NN zeljaste materije,*
- *Jedna PVC kesa narandžaste boje u čijoj unutrašnjosti se nalaze jedan pravougaoni paket oblijepljen smeđom selotjep trakom sa NN zeljastom materijom,*
- *Jedna bijela PVC kesa sa natpisom „Konzum“ u čijoj unutrašnjosti se nalazi NN zeljasta materija,*
- *Jedna PVC kesa žute boje u čijoj unutrašnjosti se nalazi NN zeljasta materija umotana u prozirnu PVC foliju,*
- *Jedna crvena PVC kesa sa NN zeljastom materijom,*
- *Jedna bijela PVC kesa sa NN zeljastom materijom,*
- *Dvije PVC kese sa oznakom „Konzum“ sa NN zeljastom materijom,*
- *Jedna PVC kesa žute boje sa oznakom „Interprom Derventa“ sa NN zeljastom materijom,*
- *Jedno PVC pakovanje fiksirano smeđom selotjep trakom veličine oko 30x30 cm, visine oko 9 cm, sa sadržajem suhe zeljaste materije,*
- *Jedno PVC pakovanje fiksirano smeđom selotjep trakom veličine oko 30x30 cm, visine oko 9 cm, sa sadržajem suhe zeljaste materije,*
- *Jedno PVC pakovanje fiksirano smeđom selotjep trakom veličine oko 30x30 cm, visine oko 9 cm, sa sadržajem suhe zeljaste materije,*
- *Jedno PVC pakovanje fiksirano smeđom selotjep trakom veličine oko 30x30 cm, visine oko 9 cm, sa sadržajem suhe zeljaste materije,*
- *Jedna putnička torba plavo-sive boje,*
- *četiri manje bijele kese za oznakom „Konzum“ i jedna manja žuta kesa sa tragovima zeljaste materije,*
- *Novčanice navedene u potvrdama o privremenom oduzimanju predmeta i to: br: 13/4-5II/08, br. 13/4-5G/08; br: 13/4-5F/08 od 26.08.2008. godine,*
- *Dvije injekcije od 2 i 5 mlg,*
- *Nož u kožnim crnim koricama sa oznakom „1785 Baron“;*

*Fotodokumentacija MUP-a RS CJB –Sektor kriminalističke policije, Odjeljenje kriminalističke tehnike i PDZ Banja Luka br. UV.1745/08 od 26.08.2008. godine o pretresu kuće Ilić Željka u ulici Stepe Stepanovića bb, Bileća; Fotodokumentacija MUP HNK,PU Čapljina od 28.08.2008. godine o pretresu obiteljske kuće Jurković Zdravka, u mjestu Crnići, općina Stolac; Fotodokumentacija MUP HNK,PU Čapljina od 31.08.2008. godine o pretresu obiteljske kuće Prce Ante, u mjestu Aladinići, općina Stolac; Fotodokumentacija MUP IINK,PU Čapljina od 31.08.2008. godine o pretresu obiteljske kuće Prce Ante, u mjestu Bobanovo selo, općina Stolac; Fotodokumentacija MUP-a RS, CJB Istočno Sarajevo, Odjeljenje krim tehnike i PDZ br:11-02/7-163/08 od 17.07.2008. godine o pretresu kuće Bjeletić Ilije, selo Golobrđe, općina Bileća; Fotodokumentacija FMUP-a br: 09-14/4-51/08 od 29.08.2008. godine o pretresu kuće u ulici Masarikova br.43; Fotodokumentacija FMUP-a br: 09-14/4-51/08 od 29.08.2008. godine o pretresu kuće u ulici Kamberović Čikma br.7; Fotodokumentacija FMUP-a br: 09-14/4-256 od 29.08.2008. godine o pretresu porodične kuće i drugih objekata Ramić Sabrevikendica, Tvrtkovac-selo Seoci; Fotodokumentacija FMUP-a br: 09-14/4-256 od 29.08.2008. godine o pretresu porodične kuće i porodičnih objekata Kogoj Andree i Ramić Sabre,*

dva CD – a sa razgovorima i transkriptima snimljenih razgovora Ilić Željka sa Bjeletić Ilijom, Kogoj Andreom, Krstović Igorem i Jurković Zdravkom, Glušac Nikole sa Krstović Igorom, Ramić Sabrom, Knežević Jelenkom, Prce Antom, Čoko Milom zv. „Daidža“, Samardžić Borisom, Jurković Zdravkom, Glušac Radivojem, Ćulum Maricom, Ateljević Miodragom, Kogoj Andreom i Ilić Natašom, Bjeletić Ilije sa Skočajić Borisom, Ateljević Miodragom, Ramić Sabrom, Popović Milanom, korisnikom telefonskog broja 065-794-762 i 38268-727-066, te Samardžić Borisa i Krstović Igora,

zatim, CD sa Nalazom pretresanja sadržaja telefonskih aparata, SIM kartica, personalnih računara i memorijskih medija MUP-a RS, Uprava kriminalističke policije, Trninić Željko, od 30.9.2008. godine i CD na kojem se nalazi Izvještaj o analizi MUP-a RS, Odjeljenje za krim obavještajne analize, broj 02/6-INT-101/09 od 3.2.2009. godine Miodraga Delića te Zapisnike o pretresanju stana, drugih prostorija i pokretnih stvari FUP, Sektor kriminalističke policije br. 13/4-5/08 i 13/4-9/08 od 26.8.2008. godine; te Potvrde o privremenom oduzimanju predmeta FUP, Sektor kriminalističke policije br. 13/4-5A/08, 13/4-5/08, 13/4-5C/08, 13/4-5G/08, 13/4-5H/08, 13/4-5D/08, 13/4-5F/08, 13/4-5E/08, 13/4-9/08 i 13/4-9A/08 od 26.8.2008. godine (Ramić Sabro i Kogoj Andrea) u pismenoj formi.

Sud je takođe, cijenio i dokaze odbrane optuženog i to medicinsku dokumentaciju: Nalaz doktora medicine specijaliste, Kantonalni zavod za medicinu rada Zenica od 18.11.2005. godine; Nalaz prim.dr. Ibrahima Cere, Specijalistička ambulanta – Služba za hirurške bolesti, Kantonalna bolnica Zenica od 15.11.2005. godine; Nalaz Prim.dr. Tarika Kapidžića, Specijalistička ambulanta – Služba za ortopediju, Kantonalna bolnica Zenica od 12.11.2005. godine; Psihološki nalaz, Centar za mentalno zdravlje, JU dom zdravlja Zenica od 18.11.2005. godine; Nalaz prim.dr. Fadila Šabanovića, Specijalistička ambulanta – Služba za urologiju, Kantonalna

bolnica Zenica od 16.11.2005. godine; Otpusnica broj 564/00, Specijalistička ambulanta – Služba za int. njegu, Kantonalna bolnica Zenica.

Sud je utvrdio da ovi dokazi u cijelosti potvrđuju krivnju optuženog. Zaključak da je optuženi počinio krivična djela koja mu se stavljaju na teret, posebno proizilazi iz Zapisnika o pretresanju stana, drugih prostorija i pokretnih stvari FUP i Potvrda o privremenom oduzimanju predmeta FUP, koje je uložilo Tužilaštvo, kao i iz Fotodokumentacije FMUP-a o pretresu kuće u ulici Masarikova br.43 i pretresu porodične kuće i porodičnih objekata Kogoj Andree i Ramić Sabre, Zapisnika o ispitivanju osumnjičenog Ramić Sabre od 27.8.2008. godine, Nalaza pretresanja sadržaja telefonskih aparata, SIM kartica, personalnih računara i memorijskih medija MUP-a RS od 30.9.2008. godine, te transkripata razgovora Ilić Željka sa Krstović Igorom iz Crne Gore i optuženim Ramić Sabrom i drugim izvjesnim osobama, te Ramić Sabre sa drugim izvjesnim osobama, a koji transkripti su potkrijepljeni ostalom materijalnom dokumentacijom odnosno snimcima sa CD-ova, iz kojih jasno proizilazi da je optuženi Ramić Sabro zajedno sa Jurković Zdravkom i više drugih njima poznatih osoba pristupio zločinačkoj organizaciji koju je organizovao i kojom je rukovodio Ilić Željko, a koja je organizovana radi neovlaštenog međunarodnog prometa opojnom drogom, marihuana – skank, sa područja Republike Crne Gore na područje Bosne i Hercegovine s ciljem dalje prodaje na području Bosne i Hercegovine i Republike Hrvatske. Navedena zločinačka organizacija vršila je neovlašteni međunarodni promet opojnim drogama u periodu od mjeseca februara 2008. godine pa sve do kraja mjeseca avgusta 2008. godine, tako što su, Ilić Željko, u direktnom dogovoru sa Krstović Igorom iz Crne Gore, kontinuirano prebacivali prethodno ugovorene količine i vrste opojne droge marihuana – skank, preko granice iz Republike Crne Gore u Bosnu i Hercegovinu, dok je Ilić dalje organizovao preuzimanje i distribuciju iste na području Bosne i Hercegovine i dalje na područje Republike Hrvatske, i to tako što je dio droge isporučivan optuženom Ramić Sabri i njemu poznatoj osobi u Zenicu, na način kako je to opisano u izreci presude.

Sud je utvrdio da ovi dokazi u cijelosti potvrđuju krivnju optuženog, pa imajući u vidu priznanje optuženog i rezultate ponuđenih dokaza, te da na izvedene dokaze nije bilo prigovora, Sud je utvrdio da je optuženi Ramić Sabro počinio krivično djelo Organizovani kriminal iz člana 250. stav 2. KZ BiH, u vezi sa krivičnim djelom Neovlašten promet opojnim drogama iz člana 195. stav 1. KZ BiH, na način kako je to opisano u izreci presude, za koje ga je i oglasio krivim.

U vezi sa krivičnom sankcijom koja je izrečena optuženom treba istaći da je vijeće prije svega pošlo od težine djela koje je optuženom Ramić Sabri stavljeno na teret i stepena njegove krivične odgovornosti, a potom polazeći od svrhe kažnjavanja, te svih olakšavajućih i otežavajućih okolnosti, izreklo kaznu zatvora ispod posebnog zakonskog minimuma predviđenog za predmetno krivično djelo, odnosno kaznu zatvora u trajanju od četiri godine. Sud je pri tom imao u vidu činjenicu da se optuženi priznavanjem krivice suočava sa posljedicama onoga što je uradio, što

predstavlja ključni aspekt potvrdnog izjašnjavanja o krivici, te je iskreno priznanje optuženog cijenio kao osobito olakšavajuću okolnost na osnovu čega Sud smatra da se i s ublaženom kaznom može postići svrha kažnjavanja.

Nadalje, Sud je kao olakšavajuće okolnosti cijenio i lične i porodične prilike optuženog koje se ogledaju u činjenici da se radi o porodičnom čovjeku, ocu dvoje maloljetne djece, te jednog punoljetnog djeteta, koji žive u zajednici s optuženim, te loše materijalne prilike u porodici (supruga nezaposlena, izdržava sebe i djecu od minimalne penzije) koje okolnosti je naveo optuženi, a koje Tužilaštvo ni na koji način nije osporilo niti dovelo u sumnju pa ih je Sud našao nesporno utvrđenim.

Otežavajućih okolnosti na strani optuženog Sud nije našao, a činjenicu da je optuženi u više navrata osuđivan za raznovrsna krivična djela, kako to proizilazi iz izvoda iz kaznene evidencije koji se nalazi u spisu, Sud nije uzeo kao otežavajuću okolnost budući da optuženi nije osuđivan za ista ili istovrsna krivična djela, te da je od posljednje osude prošlo gotovo 7 godina zbog čega ranija sklonost ka činjenju krivičnih djela više ne postoji.

Zbog svega naprijed navedenog, Sud je uvjerenja da će se ovakvom kaznom na optuženog popravno djelovati da ubuduće ne čini krivična djela, kao i da će se istom preventivno djelovati na druge potencijalne izvršioce krivičnih djela. Ovakvom kaznom se zasigurno utiče i na svijest građana o štetnosti i pogubnim posljedicama vršenja krivičnih djela i o opravdanosti odnosno pravedosti kažnjavanja izvršilaca, te se na jedinstven način izražava društvena osuda učinjenog krivičnog djela, na koji način se u cijelosti postiže svrha kažnjavanja propisana članom 39. Krivičnog zakona BiH.

Na osnovu člana 56. stav 1. KZ BiH u izrečenu zatvorsku kaznu optuženom Ramić Sabri uračunava se vrijeme koje je proveo u pritvoru po rješenju ovog Suda broj X – KRN – 08/572 od dana lišenja slobode 26.08.2008. godine pa do 09.01.2009. godine.

Na osnovu člana 188. stav 1. u vezi sa članom 185. stav 2. tačka g) ZKP BiH, optuženi je obavezan naknaditi troškove krivičnog postupka u paušalnom iznosu od 200,00 KM čiju visinu je Sud utvrdio imajući u vidu složenost i dužinu trajanja postupka, te imovinske prilike optuženog.

**ZAPISNIČAR**  
**Lana Ferović**

**PREDSJEDNIK VIJEĆA**  
**S U D I J A**  
**Ljubomir Kitić**

**POUKA O PRAVNOM LIJEKU:** Protiv ove presude dozvoljena je žalba Apelacionom vijeću Suda u roku od 15 (petnaest) dana od dana primitka iste.